



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XV. Revocatio, & annullatio Constitutionis Urbani VIII. Eremitas  
Camaldulensium Hetruriæ, sive Provinciæ Aretinæ cum Congregatione  
Montis Coronæ ejusdem Ordinis incorporantis.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

XV.

Revocatio, & annullatio Constitutionis Urbani VIII. Eremitas Camaldulensium Etruriae, sive Provinciae Aretinae cum Congregatione Montis Coronae ejusdem Ordinis incorporantis.

Edita A. D.  
1667.

CLEMENS PAPA IX.

*Ad perpetuam rei memoriam.*

Exordium.

**I**llius qui charitas est Deus pacis vices licet immeriti gerentes in terris ad ea peculiare vigilantiae nostrae curas libenter convertimus, per quae Religio Christi fidelium qui abnegantes semet ipsos divinis obsequiis, sese sub suavi arctioris atque severioris disciplinae jugo devoverunt quieti consulitur, prout matura deliberatione adhibita salubriter expedire in Domino arbitramur.

Motiva.

§. 1. Dudum siquidem fel. rec. Urbanus VIII. Praedecessor noster certis tunc expressis causis adductus Eremum Camaldulensem Etruriae sive Provinciae Aretinae, ac Congregationem Montis Coronae Ordinis Camaldulensium, eorumque respectivè Eremos Monasteria, membra, & alia loca Regularia ab eis dependentia invicem perpetuò univit, annexuit, & incorporavit, ac ex eis omnibus sic unitis annexis, & incorporatis unicam dumtaxat Congregationem non amplius Montis Coronae, sed Eremitarum Camaldulensium de cætero nuncupandam, cujus caput esset praedicta Eremus Camaldulensis Etruriae similiter perpetuò erexit, & instituit, ac insuper idem Urbanus Praedecessor unionem, & incorporationem Eremitae Camaldulensium in Montibus propè Civitatem Taurinensem sita, unà cum aliis Eremitis, & Domibus, seu locis ab ea dependentibus, sive quoquo modo ad illam pertinentibus praedictae Congregationis Camaldulensium Montis Coronae sub certis tunc expressis conditionibus factas auctoritate Apostolica approbavit, & confirmavit, & aliis (prout in binis ipsius Urbani Praedecessoris literis) desuper in simili forma Brevis die 8. Octobris 1633, & die 8. Augusti 1635, respectivè expeditis, quarum tenores praesentibus pro plenè, & sufficienter expressis, ac de verbo ad verbum insertis haberi volumus uberius continetur.

§. 2. Cum autem (sicut accepimus) subinde inter dilectos filios Eremitas Camaldulenses illos nimirum Nationis Etruriae, qui militant sub nomine Congregationis Eremitae sacrae ex una, & illos Nationum Status nostri Ecclesiastici Domini Veneti, Regni Neapolis, Poloniae, & Germaniae, qui olim militabant sub nomine Congregationis Montis Coronae ex altera, ac illos Nationis Pedemontanae ex alia respectivè partibus variae controversiae, & differentiae exortae, ac suscitatae fuerint.

Revocatio de qua in rub.

§. 3. Nos pro commissis Nobis caelitus Pastoralis officii cura opportunum ejusmodi diffidis remedium adhibere, ac fraternae charitatis amoenitatem inter Eremitas praedictos quantum cum Domino possumus restituere atque firmiter solidare cupientes, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium Praepositorum, qui controversias, & differentias praedictas ex commissione recol. mem. Alexandri Papae VII. Praedecessoris pariter nostri maturè, ac diligenter examinarunt, & perpenderunt consilio; Motu proprio, ac ex certa scientia, & matura deliberatione nostris deque Apostolicae potestatis plenitudine unionem, annexionem, & incorporationem Eremitae Camaldulensium Etruriae, sive Provinciae Aretinae, ac Congregationis Montis Coronae, eorumque respectivè Eremorum, Monasteriorum, membrorum, & aliorum locorum Regularium praedictorum in-

vicem uniusque Congregationis ex illis sic unitis, annexis, & incorporatis erectionem, & institutionem à memorato Urbano Praedecessore factas, necnon aliam unionem sive incorporationem Eremitae Camaldulensis in Montibus propè Taurinum sita una cum aliis Eremitis, domibus, & locis ab ea dependentibus sive quoquo modo ad illam pertinentibus ad praedictam Congregationem Camaldulensium Montis Coronae factam, & ab eodem Urbano Praedecessore confirmatam, ut praefertur, & prout illas respectivè concernunt emanatas desuper ipsius Urbani Praedecessoris literas praedictas ex nunc tenore praesentium, revocamus, dissolvimus, irritamus, & annullamus, viribusque, & effectu penitus, & omninò vacuumus, ac ex nunc revocatas, dissolutas, irritas, & annullatas, viribusque, & effectu vacuas esse, & fore decernimus, & declaramus, necnon Nationes praedictas ad invicem separamus, easque ad formam regiminis quo ante uniones respectivè gubernabantur reducimus.

§. 4. Praeterea dilecto filio nostro Petro Sanctae Romanae Ecclesiae Cardinali Vidomo nuncupato Ordinis hujusmodi apud Nos, & Sedem Apostolicam Protectori per easdem praesentes motu pari committimus, & mandamus, ut cuilibet ex dictis Nationibus leges, & consuetudines antiquas ex laudabili earum instituto auctoritate nostra Apostolica statuatur exacteque observari faciat, Jus unicuique tribuat, causas, & lites decidat, & terminet, ceteraque faciat, quae ad majorem Dei cultum, & gloriam, ac dictarum Nationum tranquillitatem conducere arbitrabitur. Nos enim ipsi Petro Cardinali, & protectori quantumcumque necessariam, & opportunam ad praemissa facultatem; harum ferie, motu, scientia, & potestatis plenitudine paribus tribuimus, & impartimus.

Executorum deputatio.

§. 5. Decernentes easdem praesentes literas, & in eis contenta quaecumque etiam ex eo, quod Eremitae praedicti, & alii quilibet in praemissis interesse habentes, seu habere quomodolibet praetendentes etiam si cujusvis status, ordinis, conditionis, praeminentiae, & dignitatis, aut alias specialis, & individua mentione digni existant illis non consenserint, seu ad ea citati, vocati, & auditi, aut causa propter quas ipsae praesentes emanarint adductae, verificate, & justificate non fuerint, vel ex alia quacumque quantumvis legitima, pia, & privilegiata causa, colore, praetextu, & capite, etiam in corpore juris clauso, etiam enormis, enormissimae, & totalis laesionis nullo unquam tempore de subreptionis, vel obreptionis aut nullitatis vitio, seu intentionis nostrae, vel interesse habentium consensus, aliove quolibet quantumvis magno, & substantiali defectu notari, impugnari, infringi, retractari, ad terminos juris reduci, aut in controversiam revocari, seu adversus illas aperiitionis oris, restitutionis in integrum, aliudve quodcumque juris, facti vel gratiae remedium intentari, vel impetrari, seu impetrato, aut etiam motu, scientia & potestatis plenitudine paribus concessio, vel emanato quempiam in iudicio vel extra illud uti, seu se juvare posse, sed ipsas praesentes literas semper firmas, validas, & efficaces existere, & fore, suorumque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissimè suffragari, & ab eis respectivè inviolabiliter observari.

Clausula praeservantes.

§. 6. Sicque & non aliter in praemissis per quoscumque Judices Ordinarios, & Delegatos etiam Caesarum Palatii Apostolici Auditores ac Sanctae Romanae Ecclesiae praedictae Cardinales etiam de Latere Legatos, dictaque Sedis Nuncios, & alios quoslibet quacumque praeminentia & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & diffiniri debe-

Clausula sublatae

Contrariis derogat.

re, ac irritum. & inane quidquid fecus super his à quoquam quavis auctoritate scienter, vel ignoranter contigerit attentari.

§. 7. Non obstantibus prædictis Urbani prædecessoris literis, ac quatenus opus sit nostra, & Cancellariæ Apostolicæ regula de non tollendo jure quæsito, aliisque Constitutionibus, & Ordinationibus Apostolicis, necnon dictarum Eremorum, & Congregationum aliisque quibusvis etiam juramento, confirmatione Apostolica, vel alia quavis firmitate roboratis, statutis, & consuetudinibus, privilegiis quoque indultis, & literis Apostolicis, etiam eisdem Eremitis, & Congregationibus earumque personis quibusvis, & sub quibuscumque verborum tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, irritantibusque & aliis decretis in genere vel in specie etiam iteratis vicibus concessis, confirmatis, & innovatis. Quibus omnibus, & singulis etiam si pro illorum sufficienti derogatione de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio seu quævis alia expressio habenda, aut aliqua alia exquisita forma ad hoc servanda foret tenores hujusmodi, ac si de verbo ad verbum infererentur præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Transumptorum fides.

§. 8. Volumus autem, ut earundem præsentium litterarum transumptis, seu exemplis etiam inpressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem fides ubique adhibeatur, quæ præsentibus ipsis adhiberetur si forent exhibitæ, vel ostensæ.

Dat. P. An. r. die 24. Octo.

Datum Romæ apud Sanctam Mariam Majorem sub Annulo Piscatoris die 24. Octobris 1667. Pontificatus nostri Anno primo.

XVI.

Constitutio, in qua injungitur Fratribus Ordinis Eremitarum Sancti Augustini Officium, & Missam Conceptionis Beatæ Mariæ Virginis ex præcepto recitari, idemque Officium ad visum d. Ordinis seorsim imprimi posse conceditur.

Edita A. D. 1667.

CLEMENS PAPA IX.

Ad perpetuam rei memoriam.

Exordium.

Exigit commissæ Nobis coelitus dispensationis ratio, ut piis religiosorum virorum propriæ, alienæque saluti laudabiliter incumbentium votis ad augendam in terris Gloriosissimæ Virginis Deiparæ Mariæ, quæ super Choros Angelorum exaltata, pro populo Christiano sedula exoratrix apud Regem quem genuit, assidue intercedit, venerationem tendentibus, favorabiliter annuamus.

§. 1. Supplicationibus itaque dilecti filii Hieronymi Valvassorii Prioris Generalis Ordinis Fratrum Eremitarum Sancti Augustini tam suo, quam totius Ordinis prædicti nomine Nobis super hoc humiliter porrectis inclinati, ut in eodem Ordine ab omnibus illius Fratribus, qui horas Canonicas recitare tenentur, Officium, & Missa Conceptionis ejusdem Beatæ Mariæ Virginis immaculatæ cum octava in posterum de præcepto reciteretur, cum Lætionibus in Octavario Romano à Congregatione Venerabilium Fratrum nostrorum S. R. E. Cardinalium Sacris Ritibus præpositorum approbato contentis, & à die octava ad decimam quintam Decembris ritè dispositis, auctoritate A-

postolica tenore præsentium mandamus, & decernimus.

§. 2. Idemque officium ad usum dicti Ordinis seorsim ab Octavario Romano imprimi posse concedimus.

§. 3. Non obstant. Constitutionibus, & ordinationibus Apostolicis, cæterisque contrariis quibuscumque.

§. 4. Volumus autem, ut earundem præsentium litterarum transumptis, seu exemplis etiam inpressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 31. Octobris 1667. Pontificatus Nostri Anno primo.

Transumptorum fides.

Dat. P. An. r. die 31. Octo.

Constitutio revocatoria exemptionum à vectigalibus, aliisque publicis oneribus.

CLEMENS PAPA IX.

Ad perpetuam rei memoriam.

XVII.

Edita An. D. 1667.

Causa Cont.

Paterna, quam de nostris & Apostolicæ Sedis in temporalibus subditis gerimus, cura Nos urget, ut in gravissimis rerum difficultatibus, quibus Camera nostra Apostolica, ac Communitates, & Universitates Civitatum, Terrarum, & locorum nostræ, & dictæ Sedis ditionis temporalis propter multa onera antehac imposita premuntur, aliquod eis levamen, sublati immunitatibus, atque exemptionibus ab onerum publicorum supportatione per nonnullos Romanos Pontifices prædecessores nostros, & Sedem prædictam, ac forsan illius de latere Legatos, aliosque earundem Sedis, & Cameræ Officiales, & Ministros ad importunas supplicantium preces, & alias quomodolibet concessis, quæ dum aliquibus iisque ut plurimum locupletioribus faveant, & in caterorum, & quidem plerumque pauperiorum detrimentum vergunt, eorumque inopiam prægravant, adferre satagamus, sicut publicæ utilitati, atque æquitati, & justitiæ rationi consentaneum esse in Domino arbitramur.

§. 1. Itaque Cameræ, ac Communitatum, & Universitatum, subditorumque nostrorum prædictorum indemnitati, & levamento, quantum Nobis ex alto conceditur, æque principaliter consulere cupientes, ac fel. record. Sixti Quinti Pauli etiam V. Urbani VIII. Innocentii X. & Alexandri VII. aliorumque Romanorum Pontificum prædecessorum nostrorum, qui Constitutiones similium exemptionum, & immunitatum revocatorias ediderunt, vestigiis inherentes, necnon quarumcumque concessionum, immunitatum, & exemptionum hujusmodi, litterarumque Apostolicarum sub plumbo, ac in simili forma Brevis cedularum Motus proprii, & Chirographorum cujusvis Romani Pontificis prædecessoris nostri manu subscriptorum, ac aliarum litterarum, scripturarum desuper quomodolibet emanatarum tenores, etiam viore, & datas, ac occasiones, & alia, etiam speciali, ac individua expressione digna, præsentibus pro plenè, & sufficienter expressis, & verbatim insertis respectivo habentes, Motu proprio, non ad cujusquam Nobis super hoc oblatæ petitionis instantiam, sed ex certa scientia, & matura deliberatione nostris, deque Apostolicæ potestatis plenitudine hac nostra perpetuè validura Constitutione omnes, & quascumque exemptiones, & immunitates à solutione subsidii triennialis, necnon quarti illi adjuncti, quatrinoz carnis, taxarum equorum, tallearum, censuum, archivi, foglietæ, triremium, utensilium, dohanarum, gabellarum, taxæ portus Anconæ, quatrinoz rum, tractarum, pedagogiorum, vectigalium, colle-

Revocato de qua in rub.

garum,